

Pelegrinaje: La Uniun dles Patronas dal comun da San Martin envieia düc al pelegrinaje, en dedolönesc ai 6 de jügn con signor degan Iaco Willeit al Santuar Dreibrunden a Trafoi y a Prad a vijité la ciasa dal parch nazional Aquaprad. Prenotaziuns pa Lucia, ☎ 338 9918326 o pa Loise, ☎ 0474 590026.

KVW Senioreclub: en dedemesaledema ai 31 de ma peion ia ales 9:20 dal Cone demez cole Mareo Bus, por jí a Bornech y spo a pé cina ala Lamprechtsburg da Raiscia.

Referat sora suizid: le Grup Volontariat Val Badia, en colaboraziun con le Consei de Formaziun de Badia, organiseia en lönesc ai 29 de ma dales 20:00 tla Aula Magna dla scora mesana da La Ila n referat: „Gehen ohne Abschied - Tabuthema Suizid – was tun?“ con le primar de psichiatria da Bornech, Dr. Roger Pycha y la psicologa y surastanta dla "Notfallseelsorge" de Südtirol Dr. Marlene Kranebitter.

Conzert: la Scora de Musiga envieia al conzert de concluiun en dedemesaledema ai 7 de jügn ales 18:00 a Badia tla "Ciasa J. B. Runcher". Al sará da aldí melodies y toc musical portés dant dales scolares y dai scolars dla Scora de Musiga.

Avis: la Ciasa de Palsa y la Cöra da Badia afita ia dai 1 de iuli ennant en quartier da ca. 100 m² tla Ciasa Juall a San Linert. Les domandes pó gní dades jö anter les 12:00 dai 9 de jügn tla Cöra de Badia. Informaziuns plü avisa, ☎ 0474 524700 o 339 6257779.

Prejentaziun: le grup Duones, motü adöm da Angela Palfrader ala vidora y Claudia Nössing ala chitara envieia ala prejentaziun dal Cd "Porphyrgelüster", en jöbia 1 de jügn ales 20:30 tal salf dla Scora de Musiga a Al Plan.

Comune de Mareo/1: al ven tut sö en/na stüdent/a por n practicum formatif y de orientamont tai i ufizi dal Comun dai 01.07.2017 ai 31.08.2017. Les domandes mess gní scrites fora sön la modulistica motüda a disposiziun dal Comun (ufize personal o descariada jö dla plata internet dal Comun sot ala usc "Digitale Amtstafel - Allgemeine Dokumente" y mess gní dades jö anter les 12:00 dai 31 de ma. Por enformaziuns plü avisa, ☎ 0474 503753.

Comune de Mareo/2: le Comune lascia alessei che al pó gni dé jö les domandes por le fabriché alesiré tai raiuns d'espansiun Rina (Rina I & II) y La Pli (Pincia de Calogna). Les domandes mess gní dades jö anter i 22 de jügn 2017. Por formulars y enformaziun podeise passé tal'ufize de secretariat dal Comun dantan l'orar d'ufize.

Ocio: l'apoteca d'Al Plan romagn slüta dai 3 ai 10 de jügn.

Döt le bun a:	Oliva Ellemunter ved. Ellecosta	29.05.1926
	Pepi Erardi	03.06.1931
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



Ann A

28.05.2017 - GRAN FESTA DL'ASCENSIUN DAL SIGNUR
PALSACRUSC

n. 27

Iu sun con os, düc i dis cina ala fin dal monn.

☞ St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–20

Dal Vangelo do San Mateo:

Te chel tomp ¹⁶é i önesc discepuj jüs tla Galilea sön che munt che Gejú ti á dit. ¹⁷Y canch'ai á odü Gejú, s'ái enlené dan da d'el. Mo n valgügn dubitá. ¹⁸Danló ti é Gejú jü pormez y ti á dit: A me m'él dé döta la potesté tal ci y söla tera. ¹⁹Porchel jide da düc i popui y fajede fora de döta la jont mi discepuj; bacedi tal ennom dal Pere y dal Fi y dal Spirit Sant, ²⁰y ensignedi da osservé döt ci ch'i ves á dé sö. Ciarede: Iu sun con os, düc i dis cina ala fin dal monn.

I ponsun do

Al dedaencö encuntunse trepes religius y cultures. Ensciö cialfunse poscibilités nées, mo ince n compit nö da encündé Gejú Crist. Gejú n'é encö nia plü danter nos y da odei, mo con söa proteziun y söa vijinanza se deidel porté al monn söa noela.

I periu

Gran Idio, to Fi é Re y Signur dla storia. Fá ch'i sunse bogn, tres nosta víta, da testimonié söa presenza. Por Crist, nosc Signur.

Wilhelm Egger "Sonntagsbibel"



☞ Letöres dla Gran Festa de Pasca de Ma:

St.Ap 2, 1–11 | 1 Cor 12, 3b–7.12–13 | Jan 20, 19–23

Edema liturgica dai 28.05. ai 04.06.2017

DOM 28.	GRAN FESTA DL'ASCENSIUN DAL SIGNUR PALSACRUSC	<i>German, Wilhelm</i>
08:30	gran messa ciantada por dōta la ploania <i>♫ I Ciantadus</i>	<i>oferta por i debojūgns dla ploania</i>
<i>10:00</i>	<i>s.m. a Al Plan</i>	
Lön 29.	<i>Sisinus, Martyrius, Alexander</i>	
► 19:30	corona por perié do la fede con l'Uniun dai Ei	
Ded 30.	<i>beat Otto Neururer, Ferdinand</i>	
07:30	s.m. por + Maria Ellemunter ved. Feichter, Cramer	
Dem 31.	<i>Petronila, Metilde, Aldo</i>	
<i>18:00</i>	<i>s.m. a Al Plan</i>	
Jöb 01.	<i>Iustin, Sciomun - de d'oraziun do vocaziuns</i>	
19:30	s.m. de rengraziamont en onú de Santa Maria dal Bun Consei por la fam. Gustl y Petra Trebo, Zelé s.m. por +ti Lois y Maria Vollmann, Slugher s.m. por + Josef Kosta, Framacia	
Ven 02.	<i>pröm vendres - Marcellinus y Petrus, Eugen I., Stefan, Armin</i>	
	signor ploan va a proveder	
► 18:45	poscibilité da se pissié	
19:30	s.m. por +ti Albert y Sr. Magna Willeit s.m. por + Jep Rigo, Rara, funziun al Sacher Cör	
Sab 03.	<i>Karl Lwanga y compagns, Oliva</i>	
07:30	s.m. de rengraziamont en onú de Santa Maria s.m. por +ti dla fam. Kastlunger, Mone da Pliscia	
DOM 04.	GRAN FESTA DE PASCA DE MA <i>Clothilde, Crista, Quirin, Werner</i>	
08:30	"Veni creator", gran messa ciantada en onú dal Spirit Sant por dōta la ploania <i>oferta por i debojūgns dla ploania</i>	
►	ores d'adoraziun: do messa cina les 10:30 Curt, 10:30 - 11:30 La Pli, 13:00 - 14:00 Pliscia	
14:00	espi da festa y benedisciun eucaristica	
<i>10:00</i>	<i>s.m. a Al Plan</i>	
<i>ampola:</i>	por les families da Biei defora	
<i>ministronc:</i>	► da doman y domegna: David Willeit y Marc Rigo ► da sera y domegna: Vanessa Pedevilla y Anna Peslalz	
<i>i recordun:</i>	Anna Giustina Ploner + 01.06.2010 Sr. Magna, Stefania Willeit, <i>Girlan</i> + 03.06.2008	

 **Ascensiu dal Signur**



Le message dla festa dl'Ascensiu dal Signur n'é nia: „Recordesse da ciaré söpert“ mo „Jide fora te döt le monn, seise colauradus de Dio, costruide so regn söla tera. Cuntede ennant söa noela y seise sü testemuni, deache le Signur é tres ciamó con os y te os!“
Cösta enciara nes é dada a nos düc, y por fá cösc nes empormetel so Spirit.
Con l'Ascensiu de Gejú metel man le tomp dla Dlijia, nosc tomp:

Deache Gejú n'é nia plü desco porsona danter nos, sunse nos orcés da baié de d'el, da cunté de d'el, da encündé y da testemunié ci che nes sbürta, ci ch'i festejun, ci ch'i cherdun, te ci ch'i sperun y a ci ch'i ti orun bun.
Te nos ô Gejú Crist vire ennant y tres nos dess düc sonti la presenza de Gejú. Nos sun söa ultima noela ch'i portun ennant con nostes opres y nostes parores. Porchel él debojūgn ch'i se lasciunse daurí da Gejú i edli, les oredles y le cör, ch'i capiunse co ch'i sciafiun da ester por el mans, pisc, sief, y na bibla via.

 **Mio bun Signur**

Tö s'as empormetü da sté dagnora pa nos, da s'acompagné ince canch'i se sontiun susc y ne sán nia plü olá ia.

Sön te podunse se tralascé ince canche düc s'á desmoncé de nos, de te podunse se fidé, tö ne se lasciarás mai susc.

Cösta sügherté nes lasci ester encontonc y soporté plü saurí ci co sozed por nosta colpa.

Fora de nosta surité aste fat na unité con te.

I podun porchel vire ennant zonza tema, sogúsc de töa proteziun y de to aiüt.

Parores pur vigni momënt



GEBETSMEINUNG
DES PAPSTES FÜR

Juni

Wir beten um ein
Ende des Waffenhandels –
Wir beten, dass die nationalen
Führer sich fest entschließen, den
Waffenhandel zu beenden, dem
so viele unschuldige Menschen
zum Opfer fallen.

 **Vita de ploania y de paisc**

La Musiga: la Musiga d'La Pli envieia düc der bel al **concert de Pasca de Ma**, ai 04 de jügn ales 20:30 te Ciasa dles Uniuns.